



**ზოგადსაგანმანათლებლო
დანესაბუღებების ავტორიზაციის საბჭო**

31/10/2024



MES 6 24 0001401144

გადაწყვეტილება

**„სსიპ-მარტვილის მუნიციპალიტეტის სოფელ ქვედა ნაგვაზაოს საჯარო სკოლის
ავტორიზაციის შესახებ“ ზოგადსაგანმანათლებლო დაწესებულებების ავტორიზაციის საბჭოს
2023 წლის 08 დეკემბრის N 1673143 ოქმის მეექვსე ნაწილში ცვლილების შეტანის შესახებ**

ზოგადსაგანმანათლებლო დაწესებულებების ავტორიზაციის საბჭოს სხდომაზე გამოვლენილი გარემოებების შესწავლის, შეფასებისა და ურთიერთშეჯერების შედეგად და საქართველოს ზოგადი ადმინისტრაციული კოდექსის 63-ე მუხლის პირველი ნაწილის საფუძველზე,

საბჭომ გადაწყვიტა:

1. შევიდეს ცვლილება „სსიპ-მარტვილის მუნიციპალიტეტის სოფელ ქვედა ნაგვაზაოს საჯარო სკოლის ავტორიზაციის შესახებ“ ზოგადსაგანმანათლებლო დაწესებულებების ავტორიზაციის საბჭოს 2023 წლის 08 დეკემბრის N 1673143 ოქმის მეექვსე ნაწილში და ჩამოყალიბდეს შემდეგნაირად:

„ზოგადსაგანმანათლებლო დაწესებულებების ავტორიზაციის საბჭოს თავჯდომარემ დაწესებულებების წარმომადგენლებს მიმართა, ხომ არ ჰქონდათ საბჭოს წევრების მიმართ აცილება. დაწესებულების წარმომადგენლებმა დაადასტურეს, რომ საბჭოს წევრების მიმართ აცილება არ ჰქონდათ.

საბჭოს თავჯდომარემ, დავით მაღაზონიამ მიმართა საბჭოს წევრებს, დაედასტურებინათ, რომ იცნობდნენ ავტორიზაციის ექსპერტთა ჯგუფის დასკვნას და დაწესებულების მიერ წარმოდგენილ არგუმენტირებულ პოზიციას დასკვნის პროექტებთან მიმართებით. საბჭოს წევრებმა დაადასტურეს, რომ იცნობდნენ საქმის მასალებს. საბჭოს თავჯდომარემ ჰკითხა დაინტერესებული მხარის წარმომადგენელს იცნობდა თუ არა ავტორიზაციის ექსპერტთა ჯგუფის დასკვნას. წარმომადგენელმა დაადასტურა, რომ იცნობდა დასკვნას. შესაბამისად, საბჭოს თავჯდომარემ საბჭოს მდივანს სთხოვა, რომ ექსპერტთა ჯგუფის დასკვნა დაერთო ოქმისთვის, როგორც მისი განუყოფელი ნაწილი.

ექსპერტთა ჯგუფის დასკვნა სხდომაზე წარადგინა ზოგადი განათლების ხარისხის უზრუნველყოფის ექსპერტმა, ნინო ელბაქიძემ. ექსპერტმა განაცხადა, რომ სსიპ - მარტვილის მუნიციპალიტეტის სოფელ ქვედა ნაგვაზაოს საჯარო სკოლაში საავტორიზაციო ვიზიტი განხორციელდა 2023 წლის 09 და 10 ოქტომბერს. სკოლა მდებარეობდა მარტვილის მუნიციპალიტეტში, სოფელ ნაგვაზაოში. სკოლა ახორციელებდა ზოგადი განათლების დაწყებით, საბაზო და საშუალო საფეხურის ზოგადსაგანმანათლებლო პროგრამებს, ქართულ ენაზე. სკოლას თვითშეფასების კითხვარში მოსწავლეთა ზღვრულ რაოდენობად მოთხოვნილი ჰქონდა 250 მოსწავლე.

ექსპერტმა განაცხადა, რომ სტანდარტი 1 (სკოლის ფილოსოფია), სტანდარტი2 (სასკოლო კურიკულუმი- დაწყებითი, საბაზო და საშუალო ზოგადსაგანმანათლებლო პროგრამები),

სტანდარტი 3 (სასწავლო რესურსის ადმინისტრაციული და ინფრასტრუქტურული მხარდაჭერა) და სტანდარტი 4 (მოსწავლეთა მხარდაჭერა) შეფასდა, როგორც „შეესაბამება სტანდარტის მოთხოვნებს“. ექსპერტმა აღნიშნა, რომ კომპონენტი 3.4 „მეტწილად“ შეესაბამებოდა სტანდარტის მოთხოვნებს.

ექსპერტმა, ნინო ელბაქიძემ აღნიშნა, რომ თითოეულ ინდიკატორთან დაკავშირებით, რომელიც შეფასდა მეტწილად, ექსპერტთა ჯგუფის მიერ გაცემული იყო რეკომენდაციები, რომელიც აღწერილი იყო ზოგადსაგანმანათლებლო დაწესებულების სტატუსის მამიებლის შესახებ ზოგადსაგანმანათლებლო დაწესებულების ექსპერტთა ჯგუფის დასკვნაში. დასკვნა ასევე მოიცავდა ექსპერტთა ჯგუფის მიერ გაცემულ რჩევებს.

ექსპერტმა, ნინო ელბაქიძემ სკოლის საუკეთესო პრაქტიკად დაასახელა გამართული და მოწესრიგებული ინფრასტრუქტურა. სკოლა რეაბილიტირებული იყო მუნიციპალური განვითარების ფონდის მიერ. ექსპერტის განცხადებით, სკოლას ჰქონდა სამოქმედო გეგმა, რომლის შესაბამისადაც თეორიული ცოდნის პრაქტიკაში გამოყენების მიზნით ხორციელდებოდა სხვადასხვა სახის პროექტები და ღონისძიებები, რაშიც სასკოლო საზოგადოებასთან ერთად თემიც აქტიურად იყო ჩართული. სკოლა ჩართული იყო სასწავლო და შემოქმედებით, მოსწავლეზე ორიენტირებულ პროექტებში. ექსპერტმა აღნიშნა, რომ სკოლაში მნიშვნელოვანი ყურადღება ეთმობოდა პროფესიული ორიენტაციის საკითხს. სკოლაში მოქმედებდა ეკო-კლუბი, რომლის ფუნქციონირების ფარგლებშიც სკოლას მემორანდუმი ჰქონდა გაფორმებული ერთ-ერთ არასამთავრობო ორგანიზაციასთან. სკოლაში დაარსებული იყო აგრო- კლუბი, რომლის ფარგლებშიც სკოლის ეზოში გაშენებული იყო ხეხილის ბაღი. ექსპერტმა აღნიშნა, რომ სკოლა იყო სრულად ადაპტირებული, როგორც პანდუსით, ისე ლიფტით.

საბჭოს თავმჯდომარემ დავით მაღაზონიამ მიმართა საბჭოს წევრებს, ხომ არ ჰქონდათ შეკითხვები სკოლის წარმომადგენლებთან ან ექსპერტებთან.

საბჭოს წევრმა ეკატერინე კვირიკაშვილმა ყურადღება გაამახვილა შენობა-ნაგებობის მდგრადობის შესახებ დასკვნაზე და სკოლის წარმომადგენელს მიმართა კითხვით აღნიშნულ დასკვნაში მოცემული რეკომენდაციების შესრულების მიზნით, ჰქონდა თუ არა სკოლას მოცემული დროისთვის გადადგმული ქმედითი ნაბიჯები. სკოლის დირექტორის მოვალეობის შემსრულებელმა, რომანოზ ქიქავამ აღნიშნა, რომ სკოლა გეგმავდა აღნიშნულთან დაკავშირებით წერილობით მიემართა შესაბამის ორგანოებთან, რათა მომხდარიყო დასკვნაში მოცემული რეკომენდაციების შესრულება.

საბჭოს წევრი, მაკა მამფორია დაინტერესდა, რომელ წელს მოხდა სკოლაში სარეაბილიტაციო სამუშაოები.

სკოლის დირექტორის მოვალეობის შემსრულებელმა რომანოზ ქიქავამ აღნიშნა, რომ სკოლაში სარეაბილიტაციო სამუშაოები გასულ წელს განხორციელდა.

მაკა მამფორიამ სკოლის დირექტორ მიმართა კითხვით, სკოლაში სარეაბილიტაციო სამუშაოების განხორციელებამდე შეინიშნებოდა თუ არა ის ხარვეზები, რაც მდგრადობის დასკვნაში იყო მოცემული.

სკოლის დირექტორის მოვალეობის შემსრულებლის რომანოზ ქიქავას განმარტებით, მანამდე ასეთი სახის ხარვეზები არ შეინიშნებოდა.

საბჭოს წევრმა მაკა მამფორიამ სკოლის დირექტორს მიმართა კითხვით ირიცხებოდა თუ არა სკოლაში სპეციალური საგანმანათლებლო საჭიროების მქონე მოსწავლე და ჰქონდა თუ არა სკოლას რესურსოთახი.

სკოლის დირექტორის მოვალეობის შემსრულებელმა რომანოზ ქიქავამ აღნიშნა, რომ მოცემული დროისთვის სპეციალური საგანმანათლებლო საჭიროები მქონე მოსწავლე სკოლაში არ ირიცხებოდა, თუმცა სკოლას ჰქონდა შესაბამისად აღჭურვილი რესურსოთახი.

საბჭოს თავმჯდომარემ დავით მაღაზონიამ მიმართა საბჭოს წევრებს, ხომ არ ჰქონდათ შეკითხვები სკოლის წარმომადგენლებთან ან ექსპერტებთან.

საბჭოს წევრებს შეკითხვები არ ჰქონდათ.

საბჭოს თავმჯდომარემ კენჭისყრაზე დააყენა სსიპ - მარტვილის მუნიციპალიტეტის სოფელ ქვედა ნაგვაზაოს საჯარო სკოლის ავტორიზაციისა და მოსწავლეთა ადგილების ზღვრული რაოდენობის 250-ით განსაზღვრის საკითხი.

კენჭისყრის შედეგები:

მომხრე - 12

წინააღმდეგი - 0

გადაწყვეტილება:

„განათლების ხარისხის განვითარების შესახებ“ საქართველოს კანონის მე-11 მუხლის მე-2 პუნქტის „ა“ ქვეპუნქტის, მე-12 მუხლის, საქართველოს განათლებისა და მეცნიერების მინისტრის 2010 წლის 1 ოქტომბრის N99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულების“ მე-20 მუხლის პირველი პუნქტის „ა“ ქვეპუნქტის და 21-ე მუხლის პირველი, მე-2 და მე-3 პუნქტების, 27-ე მუხლის მე-4 პუნქტის შესაბამისად, სსიპ - მარტვილის მუნიციპალიტეტის სოფელ ქვედა ნაგვაზაოს საჯარო სკოლას (ს/კ : 235444079) 6 წლის ვადით მიენიჭოს ზოგადსაგანმანათლებლო დაწესებულების სტატუსი და მოსწავლეთა ადგილების ზღვრული რაოდენობა განესაზღვროს 250- ით.

N	ზოგადსაგანმანათლებლო პროგრამის სახელწოდება	ზოგადსაგანმანათლებლო პროგრამის საფეხური	ზოგადსაგანმანათლებლო პროგრამის განხორციელების ენა	ზოგადსაგანმანათლებლო პროგრამის განხორციელების ადგილი (მუნიციპალიტეტის, ქალაქის, დაბის/სოფლის და ქუჩის მითითებით)
1	ზოგადი განათლების დაწყებითი საფეხურის ზოგადსაგანმანათლებლო პროგრამა	დაწყებითი	ქართული	მარტვილის მუნიციპალიტეტი, სოფელი ქვედა ნაგვაზაო
2	ზოგადი განათლების საბაზო საფეხურის ზოგადსაგანმანათლებლო პროგრამა	საბაზო	ქართული	მარტვილის მუნიციპალიტეტი, სოფელი ქვედა ნაგვაზაო
3	ზოგადი განათლების საშუალო საფეხურის ზოგადსაგანმანათლებლო პროგრამა	საშუალო	ქართული	მარტვილის მუნიციპალიტეტი, სოფელი ქვედა ნაგვაზაო

„მონიტორინგის დაწყების პერიოდი: 2025 წლის ნოემბრიდან;

მონიტორინგის განხორციელების ფორმა: ექსპერტთა ჯგუფის მხრიდან დოკუმენტების შესწავლა;

მონიტორინგის ფარგლები: სტანდარტი 2 (სასკოლო კურიკულუმი- დაწყებითი, საბაზო და საშუალო ზოგადსაგანმანათლებლო პროგრამები).“

საბჭომ 3.4 კომპონენტის შეფასების გათვალისწინებით, ზოგადსაგანმანათლებლო დაწესებულებას განუსაზღვრა რეკომენდაციები და რეკომენდაციების შესრულების პროგრესის შესახებ ცენტრის ინფორმირების ვალდებულება 2024 წლის ნოემბრამდე, კერძოდ: შენობის სახანძრო უსაფრთხოების მოთხოვნებთან შესაბამისობის შესახებ დასკვნისა და შესაბამის ორგანოსთან შეთანხმებული საგანგებო სიტუაციების მართვის გეგმის წარმოდგენა.

2. ზოგადსაგანმანათლებლო დაწესებულებების ავტორიზაციის საბჭოს 2024 წლის 31 ოქტომბრის N1397714 სხდომის ოქმის მეშვიდე ნაწილი ცნობილ იქნას ამ გადაწყვეტილების განუყოფელ ნაწილად.

3. ზოგადსაგანმანათლებლო დაწესებულებების ავტორიზაციის საბჭოს გადაწყვეტილების გასაჩივრება შესაძლებელია კანონმდებლობით დადგენილი წესით და ვადაში, სააპელაციო საჩივრის სააპელაციო საბჭოში წარდგენის გზით (შემდეგ მისამართზე: ქ. თბილისი, მ. ალექსიძის ქ. მეორე შესახვევი №2) ან ქ. თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით (შემდეგ მისამართზე: დავით აღმაშენებლის ხეივანი, N64).

სსიპ-განათლების ხარისხის განვითარების ეროვნული
ცენტრი
ზოგადსაგანმანათლებლო დაწესებულებების
ავტორიზაციის საბჭო
საბჭოს თავმჯდომარე
მალაზონია დავით



სსიპ-განათლების ხარისხის განვითარების ეროვნული
ცენტრი
ზოგადსაგანმანათლებლო დაწესებულებების
ავტორიზაციის საბჭო
საბჭოს მდივანი
ჯინჭარაძე მანანა

